

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Broj: 01-50-2-234-1/20
Sarajevo, 31.12.2020. godine

Na osnovu člana 24. Zakona o ministarstvima i drugim organima uprave Bosne i Hercegovine ("Službeni glasnik BiH", broj 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja u institucijama Bosne i Hercegovine ("Službeni glasnik BiH", broj 94/14), Konkurencijsko vijeće Bosne i Hercegovine, podnosi

IZVJEŠTAJ O RADU
KONKURENCIJSKOG VIJEĆA BOSNE I HERCEGOVINE ZA 2020. GODINU

Sarajevo,
decembar, 2020. godine

I - UVOD

Konkurencijsko vijeće Bosne i Hercegovine (u daljem tekstu: Konkurencijsko vijeće) je samostalno tijelo koje je nadležno za dosljednu primjenu Zakona o konkurenciji ("Službeni glasnik BiH", br. 48/05, 76/07 i 80/09) (u daljem tekstu: Zakon) na cijeloj teritoriji Bosne i Hercegovine i ima isključivu nadležnost u odlučivanju o postojanju zabranjenog konkurencijskog djelovanja na tržištu BiH (zabranjeni sporazumi, zloupotreba dominantnog položaja i kontrola koncentracija).

Odredbama Zakona se regulišu različiti oblici sprječavanja, ograničavanja ili narušavanja tržišne konkurencije na teritoriji Bosne i Hercegovine ili izvan njene teritorije, ako postupanje nekih privrednih subjekata ima značajan uticaj na tržište Bosne i Hercegovine, a u skladu s članom 2. stav (3) Zakona:

"Ovaj Zakon primjenjuje se i na privredne subjekte sa sjedištem i prebivalištem u inostranstvu, ako njihovo djelovanje proizvodi značajan efekt na tržište Bosne i Hercegovine ili na značajnijem dijelu tržišta."

Posebna pažnja u odredbama ovog Zakona se usmjerava na utvrđivanje različitih oblika zabranjenih sporazuma među privrednim subjektima, zloupotreba dominantnog položaja, te kontrolu i ocjenu raličitih oblika koncentracija.

Zakonom se osigurala efikasnost u njegovom provođenju, prije svega kroz politiku novčanih kazni za privredne subjekte u slučaju njegovog kršenja, politiku ublažavanja ili ukidanja novčanih kazni privrednim subjektima u slučaju prijavljivanja kršenja odredbi Zakona (leniency policy) Konkurencijskom vijeću.

U skladu s odredbama Zakona, pred Konkurencijskim vijećem u 2020. godini vođeni su postupci pokrenuti po zahtjevima privrednih subjekata ili po službenoj dužnosti koji su za cilj imali utvrđivanje zabranjenih sporazuma i zloupotrebe dominantnog položaja, te ocjene izuzeća pojedinih sporazuma od zabrane. Konkurencijsko vijeće je u 2020. godini kontinuisano provodilo i aktivnosti ocjene dopuštenosti koncentracija privrednih subjekata u skladu sa Zakonom.

Tokom 2020. godine održano je 7 sastanaka stručnog kolegija i 15 sjednica Konkurencijskog vijeća. Broj održanih sastanaka kolegija je smanjen usljed epidemioloških uvjeta uzrokovanih virusom COVID 19, a kako bi se ograničila okupljanja i smanjila mogućnost zaraze i prenošenja virusa.

Od ukupno 35 zaprimljenih predmeta iz oblasti konkurencije u 2020. godini, 16 predmeta se odnosilo na zabranjena konkurencijska djelovanja i to: 3 predmeta su se odnosila na oblast zabranjenih sporazuma i 10 na zloupotrebu dominantnog položaja, te još 3 predmeta koja su pokrenuta na obje osnove tj. odnose se i na zabranjeni sporazum i na zloupotrebu dominantnog položaja U navedenim oblastima, na sjednicama Konkurencijskog vijeća, usvojeno je 8 konačnih odluka: obustavljen je 1 zahtjev za utvrđivanje zabranjenog sporazuma, te 3 zahtjeva za utvrđivanje zloupotrebe dominantnog položaja, a obustavljen je i jedan zahtjev koji se odnosio na oba zabranjena konkurencijska djelovanja. Zahtjevi su obustavljeni zbog nenadležnosti ili na zahtjev stranke koja je iste pokrenula. Odbijena su 2 zahtjeva za utvrđivanje zloupotrebe dominantnog položaja, a donesena jedna odluka koja potvrđuje povredu zloupotrebe dominantnog položaja. Preostalih 8 predmeta je u postupku rješavanja u skladu sa rokovima utvrđenim Zakonom o konkurenciji.

Konkurencijsko vijeće je u 2020. godini zaprimilo 17 predmeta koji se odnose na oblast ocjene koncentracija, gdje je na sjednicama Konkurencijskog vijeća usvojeno 12 konačnih odluka: 4 koncentracije su odobrene, 6 su odbačene radi nepostojanja obaveze prijave koncentracije, 2 koncentracije se smatraju dopuštenima, u skladu sa članom 18. stav (6) Zakona o konkurenciji, te je 5 koncentracija u postupku rješavanja.

U toku 2020. godine Konkurencijsko vijeće je zaprimilo i 1 Zahtjev za pojednačno izuzeće te jedan Zahtjev za privremenu mjeru u postupku koji se vodi pred Konkurencijskim vijećem. Oba zahtjeva su u postupku rješavanja.

Zakonom o konkurenciji je utvrđena i nadležnost Konkurencijskog vijeća za davanjem mišljenja i preporuka o bilo kojem aspektu konkurencije, uključujući i davanje mišljenja na nacрте i prijedloge zakona i drugih propisa iz oblasti koje imaju uticaja na tržišnu konkurenciju. S tim u vezi, u 2020. godini, Konkurencijsko vijeće je zaprimilo 18 zahtjeva za davanje mišljenja, a usvojilo 16 stručnih mišljenja o različitim aspektima konkurencije, dok su 2 mišljenja u postupku rješavanja.

Dakle, u 2020. godini ukupno je realizovano 57% od svih zaprimljenih predmeta pred Konkurencijskim vijećem, te je završeno 88% stručnih mišljenja u odnosu na broj zaprimljenih zahtjeva, dok su ostali predmeti zaprimljeni u toku 2020. godine u postupku rješavanja i bit će okončani u skladu sa rokovima propisanim Zakonom.

Tokom 2020. godine, Konkurencijsko vijeće je provodilo ukupno 13 istraga, koje su obuhvatale različite vrste tržišta. Istrage su provođene po službenoj dužnosti ili po zahtjevu stranke.

Najviše istraga koje je Konkurencijsko vijeće provodilo u 2020. godini odnosilo se na tržišta komunalnih usluga (proizvodnja i distribucija toplotne energije, proizvodnja i distribucija električne energije i vodosnabdijevanje i kanalizacija).

Po anonimnoj prijavi od 02.09.2019. godine provedena je istraga protiv privrednog subjekta JKP Sokolac, zbog sumnje u neusaglašenost njegovih internih akata sa važećim zakonima, vezano za obavljanje djelatnosti isporuke toplotne energije na području koje snabdijeva Toplana Sokolac, koja je okončana dana 21.02.2020. godine, nakon što je utvrđeno da nema elemenata za pokretanje postupka po službenoj dužnosti.

Po zahtjevu advokata Admira Đulića iz Sarajeva, zaprimljenom dana 06.05.2019. godine, provedena je istraga protiv privrednog subjekta EUROTERM d.o.o Kiseljak, vezano za korištenje toplotne energije za korisnike sa ugrađenim individualnim mjeračem toplote za zagrijavanje stana u Sarajevu, u stambeno-poslovnom kompleksu STUP NUKLEUS-TIBRA 2, koja je okončana dana 06.02.2020. godine donošenjem Zaključka o pokretanju postupka po službenoj dužnosti protiv privrednog subjekta EUROTERM d.o.o Kiseljak, radi utvrđivanja postojanja zabranjenog sporazuma u smislu člana 4. stav (1) tačka e) Zakona o konkurenciji.

Po anonimnoj prijavi od 30.12.2019. godine protiv JP Vodovod i kanalizacija Vrelo Bioštica a.d. Sokolac, u vezi nezakonitog obračuna cijena usluge vodosnabdijevanja, Konkurencijsko vijeće je provelo istragu zbog sumnje da bi se moglo raditi o nametanju prekomjerno visokih cijena ili ograničavanju proizvodnje, tržišta ili tehničkog razvoja na štetu potrošača iz člana 10. stav (2) tačka a) i b) Zakona o konkurenciji, koja je okončana dana 16.11.2020. godine, nakon što je utvrđeno da nema elemenata za pokretanje postupka po službenoj dužnosti.

Konkurencijsko vijeće je dana 24.1.2020. godine zaprimilo Zahtjev za preispitivanja zloupotrebe vladajućeg položaja privrednih subjekata Mješoviti Holding ERS AD Trebinje, ZP Elektrodistribucija a.d. Pale, ZP Elektrokrajina a.d. Banja Luka i Elektroprivreda HZ-HB d.d. Mostar, podnesen od strane Službe zajedničkih poslova institucija Bosne i Hercegovine, na osnovu kojeg je provedena istraga i otvoren novi predmet radi pokretanja postupka po službenoj dužnosti, koji je nakon izvršene analize zakonske regulative, dostavljene i raspoložive dokumentacije, doveo do zaključka da u predmetnoj situaciji ne postoji uočena i opravdana sumnja za pokretanje postupka po službenoj dužnosti.

Zbog sumnje da Konkurencijskom vijeću nije prijavljena koncentracija pokrenuta na osnovu javne ponude za kupovinu dionica privrednog subjekta Centrottrans-Eurolines d.d. Sarajevo od strane privrednog subjekta Sejari d.o.o. Sarajevo, Konkurencijsko vijeće je dana 24.09.2019. godine započelo istragu, koja okončana dana 23.04.2020. godine donošenjem Zaključka o pokretanju postupka ocjene koncentracije po službenoj dužnosti.

Na osnovu Zahtjeva za davanje mišljenja fizičkog lica Mate Krajinovića iz Broda, zaprimljenog dana 03.07.2019. godine, kojim je traženo mišljenje da li privredni subjekt JKP KOMVOD AD Brod (ranije KP "Vodovod i kanalizacija" AD Brod), zloupotrebljava dominantni položaj na tržištu naplatom usluga i naknada koje nisu decidno navedene u ugovoru o pružanju usluga između privrednog subjekta JKP KOMVOD AD Brod kao davaoca usluge i pravnih i fizičkih lica opštine Brod, kao korisnika usluge, provedena je istraga koja je okončana dana 16.07.2020. godine, donošenjem Zaključka o pokretanju postupka po službenoj dužnosti.

Po zahtjevu privrednih subjekata Bosanska knjiga d.o.o. Sarajevo, Nova Dječija knjiga d.o.o. Sarajevo i Sarajevo Publishing d.o.o. Sarajevo, od 15.9.2020. godine, podnesenom protiv Ministarstva obrazovanja, nauke, kulture i sporta Ze-Do kantona i Ministarstva obrazovanja i nauke Tuzlanskog kantona, radi sumnje u postojanje zloupotrebe dominantnog položaja u smislu člana 10. stav (2) tačke b) i c) Zakona o konkurenciji, pokrenuta je istraga koja je u toku.

Konkurencijsko vijeće je na osnovu Zahtjeva za pokretanje postupka podnesenog od strane privrednog subjekta JOKER Game d.o.o. Banja Luka, koji je zaprimljen dana 16.09.2019. godine, provelo istragu koncentracije privrednih subjekata Lutrija RS i Casions Austria VLT AG, koja nije prijavljena Konkurencijskom vijeću, a koja je okončana dana 14.05.2020. godine, nakon što je utvrđeno da nema osnova za vođenje postupka jer nije postojala obaveza podnošenja prijave koncentracije.

Po prijavi zaprimljenoj dana 12.10.2020. godine, koju je fizičko lice Hasan Harjulahović podnio protiv JP Komunalno Žepče, a zbog nemogućnosti isključenja sa sistema centralnog grijanja, započeta je istraga koja je u toku.

Po prijavi zaprimljenoj dana 27.11.2020. godine, koju je fizičko lice Željko Savanović podnio protiv Javnog preduzeća Grijanje d.o.o. Kakanj, a zbog nemogućnosti trajnog isključenja iz sistema daljinskog grijanja, započeta je istraga koja je u toku.

Konkurencijsko vijeće je dana 30.11.2020. godine zaprimilo prijavu zloupotrebe dominantnog položaja privrednog subjekta JKP Centralno grijanje Tuzla, podnesenu od strane fizičkog lica Haruna Brkića iz Tuzle, ispred stanara Lamele C, zgrade B2, naselja Stupine Tuzla, na osnovu kojeg je pokrenuta istraga koja je u toku.

Konkurencijsko vijeće je dana 03.12.2020. godine zaprimilo Zahtjev za pokretanje postupka po službenoj dužnosti privrednog subjekta Autoškola TOPIC Jajce, podnesenog na rad Zavoda za obrazovanje odraslih Republike Srpske, zbog postojanja osnovane sumnje da se značajno sprečava, ograničava i narušava konkurencija, a koji će zbog nemogućnosti postupanja po tom zahtjevu nakon izjašnjenja podnosioca zahtjeva biti osnov za pokretanje istrage.

Na osnovu Obavijesti o postupanju zbog sumnje na značajno sprječavanje, ograničavanje i narušavanje tržišne konkurencije u vezi sa mogućim prevarama u javnim nabavkama na tržištu nabavke i isporuke peleta, zaprimljene dana 23.12.2020. godine, koju je podnijela ustanova Dom za socijalno i zdravstveno zbrinjavanje osoba sa invaliditetom i drugih osoba Stolac, pokrenuta je istraga koja je u toku.

Konkurencijsko vijeće je kontinuirano radilo na promociji konkurencije u 2020. godini, ali u izmijenjenim okolnostima zbog pandemije COVID-19. Naime saradnja sa međunarodnim tijelima za zaštitu konkurencije je nastavljena kroz online platforme putem kojih su održani različiti seminari i ad hoc sastanci. Posebno ističemo angažman RCC (Regional Centre for Competition) obzirom da su i u ovim okolnostima organizirali seminare koje su službenici Konkurencijskog vijeća pratili putem zoom platforme. Saradnja je nastavljena i sa Rekabet Kurumu (Tursko tijelo za zaštitu konkurencije). Također je održan i online sastanak sa TAIEX-om na kojem su utvrđeni ciljevi TAIEX-a za narednu godinu.

U toku 2020. godine je objavljeno 15 saopćenja za javnost sa sjednica Konkurencijskog vijeća.

Upućen je veliki broj odgovora na različite upite fizičkih i pravnih lica, i riješeno je 5 zahtjeva za pristup informacijama putem donošenja Rješenja o slobodi pristupa informacijama, te veliki broj pojedinačnih upita različitih pravnih i fizičkih subjekata.

Konkurencijsko vijeće je u 2020. godini nastavilo uspostavljenu bilateralnu/multilateralnu saradnju s organizacijama i institucijama iz oblasti konkurencije i to sa institucijama kao što su EC DG Comp, ICN, OECD, i sl. S tim u vezi, članovi Konkurencijskog vijeća su učestvovali na on line konferencijama koje su organizovale slijedeće institucije:

- OECD
- RCC
- Rekabet Kurumu (Tursko tijelo za zaštitu konkurencije)
- ICN
- UN Women
- UNDP
- UNCTAD
- Concurrences

Konkurencijsko vijeće je kontinuirano u 2020. godini učestvovalo u radu drugih tijela i institucija i to u odboru/pododboru za provođenje privremenog Sporazuma o stabilizaciji i pridruživanju (SSP) Bosne i Hercegovine i Europske Unije, u Vijeću za zaštitu potrošača BiH u kojemu je predsjednik dr. Stjepo Pranjčić član, te je aktivno učestvovao u radu istog u 2020. godini, kao i u drugim komisijama.

Također je nastavljena saradnja sa regulatorskim tijelima iz sektora energetike, telekomunikacija, bankarstva, te drugim regulatorskim sektorskim tijelima, kao i ostalim institucijama na državnom, entitetskom i nivou Brčko distrikta Bosne i Hercegovine, udruženjima i Ombudsmanom za zaštitu potrošača Bosne i Hercegovine, agencijama i zavodima za statistiku.

Obuke državnih službenika odnosile su se i na redovne obuke u organizaciji Agencije za državnu službu Bosne i Hercegovine, Direkcije za evropske integracije i drugih državnih tijela vezano za svakodnevno obavljanje poslova u instituciji, te IT obuke vezane za digitalizaciju procesa i sigurnost podataka.

Tokom 2020. godine, Konkurencijsko vijeće je nastavilo kontinuirani rad na usvajanju internih akata. Tako su u izvještajnom periodu usvojeni Izvještaj o radu za 2019. godinu broj: 01-50-1-280-13/19 od 16.06.2020. godine, Pravilnik o internim procedurama stvaranja i evidentiranja obaveza i načinu potpisivanja finansijske dokumentacije br. 01-02-3-139-1/20 od 01.07.2020. godine, Rješenje o određivanju signature, dostavljanje pošte u rad i načinu potpisivanja akata Konkurencijskog vijeća broj: 01-02-3-138-1/20 od 01.07.2020. godine. Nadalje, usvojena je i Odluka o politici nulte tolerancije prema djelima seksualnog uznemiravanja i uznemiravanja na osnovu spola te Pravilnik o izmjeni Pravilnika o pravu na korištenje mobilnog telefona u Konkurencijskom vijeću br. 01-02-3-102-1/20 od 30.04.2020. godine.

U skladu sa preporukama Vijeća ministara te nadležnih organa, a vezano za epidemiju uzrokovanu virusom COVID 19, Konkurencijsko vijeće je usvojilo Uputstvo o postupanju Konkurencijskog vijeća Bosne i Hercegovine u vezi sa prisutnošću virusa Covid 19 br. 01-02-2-143-1/20 od 03.07.2020. godine, Uputstvo o postupanju Konkurencijskog vijeća Bosne i Hercegovine i pravima i obavezama zaposlenih u Konkurencijskom vijeću Bosne i Hercegovine tokom trajanja epidemije COVID 19 br. 01-02-2-143-5/20 od 21.09.2020. godine, kao i Interne procedure o izmijenjenom načinu i organizaciji rada Konkurencijskog vijeća Bosne i Hercegovine tokom trajanja epidemije COVID – 19 br. 01-02-2-143-6/20 od 26.10.2020. godine.

Za provođenje Programa rada Konkurencijskog vijeća za 2020. godinu bila su predviđena novčana sredstva u budžetu Konkurencijskog vijeća u iznosu od 1.239.000,00 KM. Za prvih 9 mjeseci 2020. godine realizovano je 876.927 KM ili 70,8% budžeta. Podaci o ukupnoj realizaciji budžeta za 2020. godinu, još uvijek nisu dostupni.

U vezi sa procesnim radnjama koje su u nadležnosti Konkurencijskog vijeća u skladu sa Zakonom o konkurenciji (npr. rješenja po prijavama namjere koncentracije, rješenja o ocjenama usklađenosti sporazuma sa odredbama Zakona, davanje mišljenja itd.), naplaćuju se administrativne takse. Uplata istih propisana je Odlukom o visini administrativnih taksi u vezi sa procesnim radnjama pred Konkurencijskom vijećem ("Službeni glasnik BiH", broj 30/06 ,18/11 i 75/18).

Zakonom o konkurenciji propisano je da Konkurencijsko vijeće može izreći novčane kazne privrednim subjektima, koje mogu biti 1%, odnosno 10% ukupnog godišnjeg prihoda privrednog subjekta, u zavisnosti od težine povrede predmetnog Zakona, ako utvrdi kršenje odredbi Zakona.

Isto tako, Konkurencijsko vijeće može izreći i novčanu kaznu odgovornim licima privrednog subjekta u iznosu od 1.500,00 KM do 50.000,00 KM.

Prihodi od administrativnih taksi i novčanih kazni koje naplaćuje Konkurencijsko vijeće predstavljaju prihod Budžeta institucija Bosne i Hercegovine. U 2020. godini na osnovu administrativnih taksi uplaćen je iznos od 118.750,00 KM, na osnovu novčanih kazni iznos od 151.094,35 KM, što ukupno iznosi 269.844,35 KM ostvarenih prihoda u 2020. godini. Navedeni prihodi su u zakonom predviđenom roku uplaćeni u Budžet institucija Bosne i Hercegovine.

II – IZVJEŠTAJ O PROVEDBI AKCIONOG PLANA PREDVIĐENOG GODIŠNJIM PROGRAMOM RADA KONKURENCIJSKOG VIJEĆA BiH

II - IZVJEŠTAJ O PROVEDBI AKCIONOG PLANA PREDVIĐENOG GODIŠNJIM PROGRAMOM RADA KONKURENCIJSKOG VIJEĆA BiH											
Opći cilj/principi razvoja: Integrirani rast											
Strateški cilj: Unaprijediti razvoj konkurentnog ekonomskog okruženja											
Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije											
Specifični cilj: Povećati stepen zaštite tržišne konkurencije na tržištu BiH											
Programi, projekti i aktivnosti	Nosilac aktivnost i (organizaciona jedinica)	Pokazatelji				Izvori finansiranja i troškovi			Vrijeme provedbe		Komentar
		Jedinica mjerenja (% , broj ili opisno)	Polazna vrijednost (n)	Ciljana vrijednost (n+1)	Ostvarena vrijednost na kraju godine	Izvori finansiranja (proračun, krediti, donacije, ostalo)	Planirani troškovi	Ostvareni troškovi	Planirani kvartal za provedbu	Kvartal kada je aktivnost provedena	
1	2	3	4	5	6	7	8	9	10	11	12
1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije											
1.1.1 Rješavanje predmeta iz oblasti konkurencije i davanje stručnih mišljenja											
1.1.1.1. Utvrđivanje zabranjenih sporazuma i zloupotrebe dominantnog položaja	KV BiH	Broj riješenih predmeta	16	16	8				Kontinuirano		
1.1.1.2. Utvrđivanje pojedinačnih izuzeća	KV BiH	Broj riješenih predmeta	1	1	0				Kontinuirano		

1.1.1.3. Ocjena koncentracija	KV BiH	Broj riješenih predmeta	17	17	12				Kontinuirano		
1.1.1.4. Davanje mišljenja	KV BiH	Broj riješenih predmeta	18	18	16				Kontinuirano		
1.1.2.1.Promocija i zaštita tržišne konkurencije	KV BiH	Broj saopštenja za javnost	0	15	15				Kontinuirano		

III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BIH

III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BIH							
Opći cilj/principi razvoja: Integrisani rast							
Strateški cilj: Unaprijediti razvoj konkurentnog ekonomskog okruženja							
Srednjoročni cilj: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije							
Specifični cilj: Povećati stepen zaštite tržišne konkurencije na tržištu BiH							
Naziv zakona	Vrijeme provođenja		Status zakona zaključno sa 31.12._____ godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije							
1.1.1 Rješavanje predmeta iz oblasti konkurencije i davanje stručnih mišljenja							
1.1.1.1 (naziv zakona)	-	-	-	-	-	-	-
1.1.1.2 (naziv zakona)...	-	-	-	-	-	-	-

1.1.2 (naziv projekta)...
1.2 (naziv programa)...

IV – IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH

III - IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH							
Opći cilj/principi razvoja: Integrirani rast							
Strateški cilj: Unaprijediti razvoj konkurentnog ekonomskog okruženja							
Srednjoročni cilj: Unaprijediti sustav zaštite i promocije konkurencije u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije							
Specifični cilj: Povećati stupanj zaštite tržišne konkurencije na tržištu BiH							
Naziv podzakonskog akta	Vrijeme provedbe		Status podzakonskog akta zaključno sa 31.12.2019. godine				Komentar
	Planirani kvartal za provedbe aktivnosti	Kvartal kada je aktivnost provedena	Upućen rukovoditelju (DA/NE)	Usvojen od strane rukovoditelju (DA/NE)	Upućen VM BiH (DA/NE)	Usvojen na VM BiH (DA/NE)	
<i>1</i>	<i>2</i>	<i>3</i>			<i>4</i>	<i>5</i>	<i>6</i>
1.1 Zaštita tržišne konkurencije							
1.1.1 Izmjene i dopune podzakonskog akta							

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH

Opći cilj/principi razvoja: Integrirani rast

Strateški cilj: Unaprijediti razvoj konkurentnog ekonomskog okruženja

Srednjoročni cilj: Unaprijediti sustav zaštite i promocije konkurencije u skladu sa EU legislativama i dobrom praksom EU, efikasnu regulaciju tržišta u svrhu obezbjeđenja slobodnog kretanja roba i usluga i tržišne fer konkurencije

Specifični cilj: Povećati stupanj zaštite tržišne konkurencije na tržištu BiH

Naziv međunarodnog ugovora	Vrijeme provođenja		Status međunarodnog ugovora zaključno sa 31.12. _____ godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1	2	3	4	5	6	7	8
1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije							
1.1.1 Rješavanje predmeta iz oblasti konkurencije i davanje stručnih mišljenja							
1.1.1.1 (naziv međunarodnog ugovora)	-	-	-	-	-	-	-
1.1.1.2 (naziv međunarodnog ugovora)...	-	-	-	-	-	-	-
1.1.2 (naziv projekta)...							
1.2 (naziv programa)...							

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA KONKURENCIJSKOG VIJEĆA BiH

Opći cilj/principi razvoja: Integrirani rast

Strateški cilj: Unaprijediti razvoj konkurentnog ekonomskog okruženja

Srednjoročni cilj: Unaprijediti sustav zaštite i promocije konkurencije u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije

Specifični cilj: Povećati stupanj zaštite tržišne konkurencije na tržištu BiH

Naziv projekta javnih investicija	Vrijeme realizacije		Status (ZAVRŠENO, U POSTUPKU, ODLOŽENO, PREKINUTO)	Komentar
	Očekivani period realizacije	Završen (DA/NE)		
<i>1</i>	<i>2</i>	<i>3</i>	<i>4</i>	<i>5</i>
1.1 Rješavanje predmeta iz oblasti konkurencije po službenoj dužnosti i zahtjevu stranaka, uključujući i promociju i zaštitu tržišne konkurencije				
1.1.1 Rješavanje predmeta iz oblasti konkurencije i davanje stručnih mišljenja				
1.1.1.1 (naziv projekta javnih investicija)	-	-	-	-
1.1.1.2 (naziv projekta javnih investicija)...	-	-	-	-
1.1.2 (naziv projekta)...				
1.2 (naziv programa)...				

VII - IZVJEŠTAJ O PROVEDENIM KONSULTACIJAMA KOD IZRADE IZVJEŠTAJA O RADU KONKURENCIJSKOG VIJEĆA BiH

Kod izrade Izvještaja o radu, Konkurencijsko vijeće je u skladu sa članom 4. stav (1) tačka b) i članu 11. stav (4) Odluke o godišnjem planiranju rada i načina praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) primijenilo Pravila za konsultacije.

Konkurencijsko vijeće je dana 02.02.2021. godine na 81. (osamdeset prvoj) sjednici usvojilo nacrt Izvještaja o radu Konkurencijskog vijeća BiH za 2020. godinu.

Javne konsultacije na nacrt Izvještaja o radu Konkurencijskog vijeća za 2020. godinu su započele dana 03.02.2021. godine, putem web-stranice Konkurencijskog vijeća www.bihkonk.gov.ba i trajat će 14 dana.

Konkurencijsko vijeće je dana 03.02.2021. godine, postavilo nacrt Izvještaja o radu Konkurencijskog vijeća za 2020. godinu na web aplikaciju e-Konsultacije radi javnih konsultacija koje će trajati 14 dana.

Predsjednik

dr. Stjepo Pranjić